

FSPH UPMKB ngatur 'Kimpin Flora dan Fauna 2023' ba SK Rancangan Sepupok Niah

BINTULU: Fakulti Sains Pertanian dan Perhutanan (FSPH) Universiti Putra Malaysia Kampus Bintulu (UPMKB) udah ngatur Kimpin 'Flora dan Fauna 2023' beserimbai enggau Minggu Sains, Teknologi, Injiniring enggau Matematik (STEM) Sekula Primari (SK) Rancangan Sepupok Niah bedau lama udah.

Pengari ari UPMKB madah, tuju program tu endang kena ngiri penemu sentang pemesai reti nyaga rampa menua ngagai raban sekula enggau komuniti dia.

Ku iya, raban Opis Sains

Kampung FSPH UPMKB dikangau ngemujurka program tu ambika semua orang ulih bekerejasama nyaga rampa menua.

Bejaku lebu bejadi program nya, Ketua Opis Sains Kampung UPMKB, Dr Norul Izani Md Allwi madah, program nya ulih matak pengerindu nembiak belajar sentang pemesai guna nyaga sereta ngintu rampa menua.

Dulu ari nya, bisi 150 iku enggau ba program tu nyengkau raban ari UPMKB baka bala staf Opis Sains Kampung enggau nembiak ti ngambi Diploma Kampung.

Mayuh macham aktiviti dipejalaika baka Dr Ahmad Mustapha Mohamad Pazi meripenerang sentang teknik mindahka baru paung kayu ngagai polibeg baru enggau licha sentang pemesai guna nyaga flora enggau fauna ari Prof Madya Dr John Keen Chubo.

Ba program nya, bisi 14 paung kayu mujur ditanam baru ke dalam polibeg baru kena ngadungka kandang sekula nya lalu dua iti 'trofi pusingan' pekit nyaga pemeresi enggau pemanah kelas udah disuaka ngagai pemenang ari sekula nya.



KE ALBUM: Bala staf sereta bala nembiak SK Rancangan Sepupok Niah begambar kenang.